



INVITAZIUN

alla radunanza comunala Surses da
glindesde, igls 7 d'avregl 2025, allas 20.00,
an sala da cumegn Grava a Savognin

Tractandas

01. Bavagnaint ed elecziun digls dombravouschs
02. Credit d'investiziun «construcziun veia d'equipaziun (part privata) e parcadis sen la surfatscha parziala da parcella nr. 3281, Viols, Savognin, an vista alla realisaziun digl resort da vacanzas Viols dalla RESalpina ScRL: credit d'object da CHF 948'000.00
 - a) Preschentaziun e discussiun
 - b) Approvaziun
03. Garanzeia dalla liquiditad dalla Center da Sanadad Savognin SA; conceder ena contribuziun agl menaschi à fonds perdu da CHF 2'000'000.00
 - a) Preschentaziun e discussiun
 - b) Approvaziun
04. Revisiun parziala dalla lescha da sepultura e santieri digl cumegn da Surses
 - a) Preschentaziun e discussiun
 - b) Approvaziun
05. Decret dalla lescha da pulizeia digl cumegn da Surses
 - a) Preschentaziun e discussiun
 - b) Approvaziun
06. Annullaziun dalla lescha davart igl adiever da fis artificials digl cumegn da Surses
 - a) Preschentaziun e discussiun
 - b) Approvaziun
07. Annullaziun digls regulativs da gôt digls anteriours cumegns an Surses
 - a) Preschentaziun e discussiun
 - b) Approvaziun
08. Renovaziun dalla veia da gôt Plang Ses (project SIE 2025): credit d'impegn brut da CHF 1'476'000.00
 - a) Preschentaziun e discussiun
 - b) Approvaziun
09. Diversas infurmaziuns
 - a) Infurmaziuns
 - b) Sguard anavos ed anavant digl mastral
10. Varia

Infurmaziun davart igl protocol dalla davosa radunanza comunala

Cunter igl protocol dalla radunanza comunala digls 9 da december 2024 è neidas inoltradas nignas protestas durant igl taimp d'exposiziun da 30 deis digls 20 da december cun ed anfignen igls 20 da schaner 2025, uscheia tgi chel vala scu approvo.

Actas pertutgont la radunanza communal

Igl messadi e las actas concernent tractanda nr. 4 e nr. 5 èn activos sen www.surses.ch (categoria: politica & administraziun > radunanza communal > invitaziuns e tractandas). Sen giaveisch ins pò retrer u ampustar chels documaints er sen palpieri tar igls sarvetschs d'abitants dall'administraziun communal (081 659 11 60 u info@surses.ch).

Coordinaziun per pussebladad da carar an cuminanza (*sen dumonda*)

Persungas tgi dovràn ena pussebladad da transport per neir alla radunanza communal resp. persungas tgi son porscher ena tala pussebladad, èn supplitgeidas da s'annunztgier igl de dalla radunanza communal anfignen allas 11.30 tar l'administraziun communal (081 659 11 60). Igl cumegn sa sprova siva da coordinar igl viadi alla radunanza communal e puspe anavos a tgesa. En dretg ad ena pussebladad da transport n'exista pero betg.

Tinizong, igls 17 da mars 2025

Suprastanza communal Surses

